

# **Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

**Meditationum evangelicarum pars tertia, hoc est:  
Tractatio evangeliorum tam dominicalium, quam  
festivalium, ad recte se sub variis tentationum generibus  
gerendum, disposita**

**Creide, Hartmann**

**Francofurti ad Moenum, 1682**

De tertio

[urn:nbn:de:bsz:31-126133](#)

enim gallus, tanquam sedulus vigil nocturnus, gallicinio suo multos homines excitat: Ita & Ecclesiæ ministros vocem suam instar tubæ exaltare, & mundum peccatis immersum è somno peccatorum excitare oportet. Surge, qui dormis & exurge è mortuis, & illuminabit te Christus, Eph. 5.v.14.

Gallus eò frequentius cantare solet, quando tempestas mutatur, & pluvia imminet: Ita quando Deus tempestate terribili ingruere vult, verbi Praecones majori zelo clament oportet: Pœnitentiam agite, jam securis ad radicem posita est, Matth. 3.v.15. id non plane frustraneum erit. Etsi enim multi sunt, qui id parum current, attamen semper inveniuntur, qui excitari se patientur, iuxta illud: Sicut imber & nix descendit de cælo, Elsa. 55.v.10.

2. Aspectu consolatorio. Et conversus Dominus, respexit Petrum.

Hic efficax gratiæ intuitus fuit, quem Petrus in corde sensit, quòque ad meliores cogitationes perductus fuit. Christus eum alloquinolebat, ne suspicionem hostium confirmaret, ideo aspectu ipsum monere vult, q.d. Petre, Petre, tu plane in via erroris es, an nescis, quid antea tecum locutus fuerm. O quam graviter, deliquisti, egressere actum Palatio Pontificis, & age pœnitentiam, ego tibi injuriam mihi illatam libenter condonabo.

Recordemini, Dilecti! hunc gratiæ intuitum, & quando & ipsi forte ex infirmitate humana, in delicto aliquo præoccupati fueritis, resipiscite in tempore, nos benignissimum in cœlis Patrem habemus, qui bonæ spei jussit esse filios suos, relinquentes locum pœnitentiæ, Sap.12. v.19.

Quis igitur desperaret? Potius omnes sibi dicunt putent: Ubi exsuperat delictum, ibi exsuperat gratia, Rom.5. v. ult.

3. Emergens fructus. Nam Petrus gallicinio & aspectu Christi admonitus,

1. Nutum Christi observat. Idem discimus ab ipso. O quot inveniuntur eorum qui corda instar adamantis obdurant, nihilque maledictionem legis, è suggestu ipsis intimatam curant, sed malitiose pergunt, dicentes: quis prohibebit?

Ideoque parum spei ad pœnitentiam in illis supereft.

Ah dubito, ne gratia  
Qua sic abnus est data,  
Hunc persequatur tandem!

Quia vocavi & renuistis, Prov.1.v.25.

2. Aulam declinat, & pravorum consortium deserit, per quod lapsus fuerat. Ita & nos locum & occasionem, qua ad peccatum seduci possimus fugiamus. Fascinatio enim nugacitatis obscurat bona, Sap.4. vers. 12.

3. Amare plorat. Id non modo tum incepit, sed & per omnem vitam continuavit, ut Cl. Alexandrinus scribat: quoties gallum cantare audiverit, toties oculos ejus lachrymis stillasse, adeo ut lachrymæ genas ejus, instar crudæ carnis perederint. Beatos illos, qui ejusmodi dolorem in cor defuso sentiunt. Beati, qui lugent, quoniam ipsi consolabuntur, Matth. 5.v.4.

### De Tertio.

R Estat tertium, quod est *Jude interitus*. Ubi notetur

1. Querela. Descripta hæc est ab Evangelistis

Dominica Lætare.

184

1. Ratione causa impellentis, quæ fuit condemnatio Christi ad mortem. Judas multò aliter sibi rem imaginatus erat, non dubitans, quin Christus pro omnipotenta sua vincula eorum disrupturus, seque iisdem subducturus esset, ut sçipins fecerat. Ut vero rem multò aliter cadere perspiciebat, ecce! peccatum, quod haec tenus secure quasi quieverat, evigilat, & in tantas angustias eum conjicit, ut nesciret, quo se vertere debeat.

Est in hac reimago omnium Epicureorum, qui secure in diem vivunt, dicentes: Peccavi, & quid mihi accedit triste? Sir. 5. v.4. deinde idem illis accedit, quod Judæ proditori, ut corpore & animo Diabolo mancipentur. Hinc graviter monet Siracides: Fili peccasti non adjicias iterum, c.21. v.1. seqq.

2. Ratione modi competentis: pœnitentia enim ducebatur. Hæc primus gradus pœnitentia est, nam, ut Poëta canit:

Si pœnitit, haud nocet  
error.

Quæ secundum Deum tristitia est, pœnitentiam in salutem operatur, 2. Cor. 7, 10.

Hoc contestatus est

1. Ore. Dixit enim: Peccavi, tradens sanguinem justum. Ita peccata nostra minus abscondamus, ut Protoplasti, foliis fictis turpitudinem obregere satagentes, Gen. 3, 7. sed confitentes ea manifestemus, si peccatorum remissionem consequi velimus. Si dixerimus, peccatum non habemus, ipsi seducimus nos, 1. Joh. 1. v.8.

2. Opere. Projiciebat enim argenteos in templum. Idem & nobis faciendum: Non remittitur peccatum, nisi restituatur ablatum. Quod si id non fit, Deus ipse dixit, quas

devoravit impius, de ventre illius extrahet, Job. 20. v.15,

II. Medela. Ubi enim venit ad Principes Sacerdotum & Seniores iisdemque confessus est, peccasse sc., quod tradiderit sanguinem innocentem, petens ab illis, ut sibi salutare consilium & efficax solarium suppeditarent: ipsi nalo ipsum adunco suspen- dentes ajunt: Quid ad nos? Tu videris. Si iniquè egisti, tu æ illud conscientię inferimus, tu ipse in culpa es, qui operam tuam nobis obtulisti: videris igitur, quomodo illud quod intrivisti, exedas.

Hæc misera consolatio fuit, qua animi angorem magis auxerunt, ejusque desperationi ansam suppeditarunt.

Videmus igitur, quantum beneficium sit, si Deus, regioni vel civitati, fideles Pastores concedat, qui sauciarium conscientiarum fedulam rationem agunt, easque Evangelico solatio erigunt, ne desperent, sed vera in Christum fiducia se sustentent, qui in mundum venit peccatores ad pœnitentiam vocare, Luc. 5. v.32.

Videmus quoque, quantum hominum amori & Principum favori tribuendum sit. Principes Sacerdotum & Scribe Judæ principio miris modis subbländiebantur, cum illis operam proditoriam offerret: id è magnâ ei spem ostenderant, quia hac in parte ipsis morem gesserat, fore, ut eum vicissim officiis suis adjuvarent, & ad amplissimas dignitates evenherent. Verum jam indignum putant, quem verbo consolatio reficiant. Idem adhuc hodie evenit illis, qui vanâ arundine & brachio carnali confidunt. Quid enim homo? Gramen, Psal. 103. vers. 15. Ejusque vita velut vapore evanescit, Jac. 4. v.14. ideo hominum auxilio

auxilio nitendum minime est , Psal. 118.  
vers. 8.9.

III. *Sequela.* Id indicant Evangelistæ,

1. *Respectu Iudea desperantis.* Non enim modo in peccatis suis desperat , ut Cain, Gen. 4. vers. 13. sed Diabolus eum cō perducit , ut arrepto laqueo seipsum suspendat.

Inspicite Judam:

1. *Vanitatis amatores*, qui terrenis modo inhiatis , & hoc ipso bonam conscientiam & salutem negligitis & amittitis. Quid Judas effecit ? quid sibi emit tringita argenteis ? Nil nisi restim , qua suspensus crepuit medius , & diffusa sunt omnia viscera ejus , Actot. 1. vers. 19. Sic adhuc hodie ejus similes Mammonæ servi incidunt in tentationem , & in laqueum , 1. Tim. 6. v. 9.

2. *Christi desertores* , qui à vera fide contra conscientiam deficitis. Judæma-le id cessit : Ita nemo impune feret , qui à Christo ejusque verbo deficit , postquam semel illuminatus est , Hebr. 6. v. 4. Sir. 26. v. 27.

3. *Omnes auditores* , & æquo animo perpendite , quam horrendum peccatum sit , si quis sibi ipsi violentas manus inferat.

1. *Enim talis Dei misericordiam abnegat*, Jer. 9. v. 12.

2. A Deo se divellit , qui ipsum creavit , & sanguine Filii sui ad hæreditatem vitæ æternæ redemit.

3. *Templum Spiritus sancti devastat* & perdit.

4. *Violat quintum præceptum*, in quo *autoxiphia* levere interdicta est.

5. *Judicium extreum* & vitam æternam non credit , ubi rationem hoc ipso de crimine reddere tenetur.

6. *Sibi & toti generi suo labem malæ famæ adspexit.*

7. *Quodque pessimum est*, dum temporalem cruciatum se effugiturum putat , præcipitat se in æternam condemnationem. Manifesta sunt opera carnis , Gal. 5. v. 21. *Vid. Part. 1. pag. 34. b.*

II. *Ex parte Cleri consultantis.* Principes enim Sacerdotum , acceptis argenteis dixerunt : Non licet eos mittere in corbonam , quia pretium sanguinis est. Concilio autem inito concludunt , se ex illis agrum figuli emturos esse , in sepulturam peregrinorum , si summis Festis Hierosolymam accedentes , ibi morerentur , ut sic locum certum sepulturæ haberent.

Hic habemus ideam Hypocritarum. Pontificibus enim & Scribis religio est , argenteos hos in corbonam mittere , ex quaante illos sumserant : Verum ut Christum occident , nulla ipsis religio est , id est , culices colare & camelos deglutire , Matt. 23. v. 34. Sic adhuc hodie multi inveniuntur , qui in levioribus , & adiaphoris arctam habent conscientiam : Verum vino se ingurgitare , scortationem committere , proximum convitiis proscindere , aliaque id generis peccata perpetrare , leviusculum arbitrantur , ideoque Væ illos feret , quod Servator ejusmodi hypocritis annunciavit , Matth. 23. v. 13. seqq.

Sed & hanc consolationem postremo arripiamus. Quamdiu in hoc mundo vivimus , in terra peregrinationis sumus , & peregrinamur à Domino , 2. Cor. 3. v. 6. At ubi beatemor imur , cubiculum nostrum

in terra habemus. Id est , ager sanguinis, triginta argenteis, mercedis proditoriae coemtus , & sanguine Christi sanctificatus , ubi secure & tranquille quiescemos , & dormitabimus usque ad diem ultimum , & tum in caelestem Hierosolymam

introducemur , ubi Christus per abitum suum ad Patrem πολίτευμα nobis acquisivit.

Eò nos omnes ex gratia transferre dignetur Deus cœlestis Pater per & propter Christum, Amen.

## DOMINICA JUDICA.

Textus.

### *Historia Passionis Dominice.*

#### EXORDIUM.

**H**odiernam Dominicam olim vocarunt Judica, quia in Ecclesia Latina in introitu cecinerunt: *Judica me Deus, & discerne causam meam de gente non sancta, &c.* ex Psal. 43.v.1. Hoc ipso pii Veteres respexerunt hodiernum Evangelium , ubi Christus in acrem disceptationem descendit cum Iudeis , qui non modo convitiis acerbissimis ipsum proscindunt quod Samaritanus sit , & Daemonium habeat : Sed lapides quoquetulerunt, ut jacerent in eum. Jesus autem abscondit se , & exivit de templo.

Quia igitur illud , quod Christo tanquam capiti accidit , & membra ejus experiri coguntur , in Ecclesia hac militante , non inique precamur : *Judica me Deus.* Auxilium enim nostrum non aliunde est , quam à Domino , qui fecit cœlum & terram, Psal.121.v.2. & novit tuos è calamitatibus eripere, 2. Petr.2.v.9.

Nos pro Instituti ratione ex Evangelio meditamus :

1. *Triplacem Querelam.* Quæ respicit 1. Veritatis odium. Id sane Christus re ipsa comperit, ideo inquit ad Iudeos: Si veritatem dico , quare vos non creditis mihi ? Idem experti sunt Prophetæ , qui ante eum fuerunt : Apostoli , qui post eum egressi sunt, & Evangelium prædicarunt, Iudeis quidem scandalum , gentibus autem stultitiam : ipsis autem vocatis Iudeis atque Græcis, Christum, Dei virtutem & sapientiam, 1. Cor.1. v.24. Experiuntur quoque quotidie , omnes fideles verbi Præcones, ob invisam enim multis veritatem , tanquam purgamenta mundi, & peripsema fiunt, 1. Cor.4.v.13.

2. *Religionis dissidium.* Id statim post lapsum incepit, inter Cainum & Abelem, qui in Sacrificio discrepabant, Gen.4. vers.5. Deinde continuatum est ab uno seculo ad aliud,